

Minister Benny Sevinger:

Restauracion di edificio di Nicky Habibe Jr. lo duna realce na e plasa y na caya grandi en general

ADEMAS di gradici famia Habibe pa e muestra di confianza cu ta duna na e proyecto di renobacion di Caya Grandi y e streetcar, Minister di Infraestructura Benny Sevinger a anuncia tambe cu entre varios aspecto nobo, ta den combersacion pa busnan di tour baha e turistanan crucero na final di Caya Betico Croes. E idea ta pa crea un fluho adicional di turista pa e negoshinan na e extremo aki di nos caya principal.

E idea a keda anuncia dor di e propio titular di Infraestructura durante un conferencia di prensa ayera mainta den e edificio Nicky Habibe como un di e negoshinan den Caya Betico Croes cu ta invertiendo den nan propiedad anticipando final di e proyecto grandi di caya grandi y Oranjestad cu lo revitalisa henter e area.

“Esaki ta un paso grandi sigur y un ehempel pa otro comerciantenan,” Minister Sevinger a

indica. El a recorda tur presente cu den pasado un plan tabata pidi comerciantenan pa inverti un capital den modernisacion di caya grandi, pero na opinion di e Minister cu “Caya Grandi ta di pueblo y pueblo mes lo percura pe.” Loke si a pidi comerciantenan ta pa coy e capital ey y hink’e den nan propio edificio. Di e manera aki no solamente ta drecha caya grandi, pero nan propiedad tambe.

Famia Habibe no solamente ta restaurando nan edificio historico, pero tambe a pone parti di dje disponibel pa e proyecto di streetcar por a haya su punto cardinal cu ta caminda e ta lora bin bek abou. “E yudansa aki ta muestra confianza den e proyecto,” Minister a bisa. Esaki a facilita hopi e recorrido di e streetcar cu tin como obhetivo principal pa garantisa un fluho di turista for di salida di waf te na e punto final di caya cu ta Plasa Comercio, pero cu a keda anuncia ayera tambe, lo cambia di nomber pa honra Sr. Nicky

Habibe.

Minister Sevinger tambe a duna di conoce, cu e hunto cu e titular di Turismo ta den combersacionnan pa haci cambio den ley cu ta regula e busnan di tour. Originalmente nan permiso ta stipula cu mester piki e turistanan crucero na salida di waf y baha nan na e mesun punto aki bek. “Nos ta wak si nan por tuma nan na waf y baha nan aki y nan por bay waf bek cu tram of na pia,” Minister Sevinger a splica. Atrobe e idea ta pa nan por siña conoce e parti aki di caya grandi, mas awo cu e lo keda asina bunita.


E plasa ta bay tin hopi actividad pa mucha, incluyendo un fontein interactivo. Aki muchanan por hunga cu awa mientras e mayornan ta sinta na banki y mesanan disfrutando di hopi sombra. E sombra ta bin for di e 300 matanan cu ya a cuminsa planta riba henter e trayecto di caya grandi. “Nos ta hopi orguyoso di e proyecto aki,” tabata e palabranan di Minis-



ter Sevinger na e medianan di comunicacion presente na e conferencia.

Den su conclusion, Minister di Infraestructura a bisa cu e restauracion di edificio Nicky Habibe den un estilo ‘art deco’ ta duna realce na e plasa y na caya grandi en general. Nos kier e calidad di bida di 5 strea pa nos hendenan y esey ta trece cu ne un infraestructura tambe di cinco strea. Por ultimo el a gradici famia Habibe y Amundaray pa nan sosten.

Curaçao Special
Hotel Celeste
Tin e siguiente oferta pa bo
DBL \$70; TPL \$80; QUAD \$100 p/n
Prijs ta inklui tax, uso internet wi-fi
Kamber ku kitchenette \$10 extra
Mucha bou di 12 anja gratis
Persona adicional USD 15 p/n
Pa mas info of hasi bo reservashon:
e-mail: info@celeste-an
website: www.celeste-an

 **HITESS**
HIGH TECHNOLOGY SALES & SERVICES N.V.
DUTCH CARIBBEAN
HITESS N.V.
Arendstraat 124
Tel : +297 - 588-5966
Fax : +297 - 588-5895
Email : info@hitess.com